


雜阿含經

第十六

二百七十三
盛六

49477



雜阿含經卷第十六

宋天竺三藏求那跋陀羅譯

雜因誦第三品之四

如是我聞一時佛住王舍城迦蘭陀竹園時
有衆多比丘集於食堂思惟世間而思惟亦
時也尊知諸比丘心之所念往詣食堂敷座

而坐告諸比丘汝等比丘慎莫思惟世間思
惟所以者何世間思惟非義饒益非法饒益
非梵行饒益非智非覺不順涅槃汝等當正
思惟此苦聖諦此苦集聖諦此苦滅聖諦此
苦滅道跡聖諦所以者何如此思惟則義饒
益法饒益梵行饒益正智正覺正向涅槃過

盛

藏書

法苑珠林

去世時有一士夫出王舍城於拘絺羅池側
正坐思惟世間思惟當思惟時見四種軍馬
軍馬軍車軍步軍無量無數皆悉入於一藕
孔中見已作是念我狂失性世間所無而今
見之介時去池不遠更有大衆一處聚集時
彼士夫詣大衆所語言諸人我今發狂我今
失性世間所無而我今見如上廣說時彼大
衆皆謂士夫狂發失性世間所無而彼見之
佛告比丘然彼士夫非狂失性所見真實所
以者何介時去拘絺羅池不遠有諸天阿脩
羅興四種軍戰於空中時諸天得勝阿脩羅
軍敗退入彼池一藕孔中是故比丘汝等慎

莫思惟世間所以者何世間思惟非義饒益
非法饒益非梵行饒益非智非覺非正向涅槃
當思惟四聖諦何等爲四苦聖諦苦集聖
諦苦滅聖諦苦滅道跡聖諦佛說此經已諸
比丘聞佛所說歡喜奉行

如是我聞一時佛住王舍城迦蘭陁竹園時
有衆多比丘集於食堂作如是論或謂世間
有常或謂世間無常世間有常無常世間非
有常非無常世間有邊世間無邊世間有邊
無邊世間非有邊非無邊是命是身命異身
異如來死後有如來死後無如來死後有無
如來死後非有非無尔時世尊一處坐禪以

天耳聞諸比丘集於食堂論議之聲聞已往
詣食堂於大眾前敷座而坐告諸比丘汝等
比丘衆多聚集何所言說時諸比丘白佛言
世尊我等衆多比丘集此食堂作如是論或
說有常或說無常如上廣說佛告比丘汝等
莫作如是論議所以者何如此論者非義饒
益非法饒益非梵行饒益非智非正覺非正
向涅槃汝等比丘應如是論議此苦聖諦此
苦集聖諦此苦滅聖諦此苦滅道跡聖諦所
以者何如是論議是義饒益法饒益梵行饒
益正智正覺正向涅槃是故比丘於四聖諦
未無間等當勤方便起增上欲學無間等佛

說此經已諸比丘聞佛所說歡喜奉行
如是我聞一時佛住王舍城迦蘭陀竹園
時有衆多比丘集於食堂或有貪覺覺者或
瞋覺覺者或害覺覺者尔時世尊知諸比丘
心之所念往詣食堂敷坐具於衆前坐告諸
比丘汝等莫起貪覺覺莫起恚覺覺莫起害
覺覺所以者何此諸覺非義饒益非法饒益
非梵行饒益非智非正覺不向涅槃汝等當
起苦聖諦覺苦集聖諦覺苦滅聖諦覺苦滅
道跡聖諦覺所以者何此四聖諦覺義饒益
法饒益梵行饒益正智正覺向於涅槃是故
諸比丘於四聖諦當勤方便起增上欲正智

正念精進修學佛說此經已諸比丘聞佛所
說歡喜奉行

如是我聞一時如上廣說差別者起親里覺國
土人民覺不死覺乃至聞佛所說歡喜奉行
如是我聞一時佛住王舍城迦蘭陁竹園時
有衆多比丘集於食堂作如是論或論王事
賊事鬪戰事錢財事衣被事飲食事男女事
世間言語事事業事說諸海中事亦時世尊
於禪定中以天耳聞諸比丘論說之聲即從
座起往詣食堂敷坐具於衆前坐告諸比丘
汝等比丘衆多聚集爲何所說諸比丘白佛
言世尊我等於此聚集或論說王事如上廣

說佛告比丘汝等莫作是論論說王事乃至
不向涅槃若論說者應當論說此苦聖諦苦
集聖諦苦滅聖諦苦滅道跡聖諦所以者何
此四聖諦以義饒益法饒益梵行饒益正智
正覺正向涅槃佛說此經已諸比丘聞佛所
說歡喜奉行

如是我聞一時佛住王舍城迦蘭陀竹園時
有衆多比丘集於食堂作如是說我知法律
汝等不知我所說成就我等所說與理合汝
等所說不成就不與理合應前說者則在後
說應後說者則在前說而共諍論言我論是
汝等不如能答者當答尔時世尊於禪定中

以天耳聞諸比丘論諍之聲如是廣說乃至
於四聖諦無間等者當勤起方便起增上欲
學無間等佛說是經已諸比丘聞佛所說歡
喜奉行

如是我聞一時佛住王舍城迦蘭陀竹園時
有衆多比丘集於食堂作如是論波斯匿王
頻婆娑羅王何者大力何者大富今時世尊
於禪定中以天耳聞諸比丘論說之聲即從
座起往詣食堂敷坐具於衆前坐問諸比丘
汝等何所論說時諸比丘即以上事具白世
尊佛告比丘汝等用說諸王大力大富爲汝
等比丘莫作是論所以者何此非義饒益非

法饒益非梵行饒益非智非正覺不向涅槃
汝等當說此苦聖諦苦集聖諦苦滅聖諦苦
滅道跡聖諦所以者何此四聖諦是義饒益
法饒益梵行饒益正智正覺正向涅槃是故
比丘於四聖諦未無間等者當勤方便起增
上欲學無間等佛說此經已諸比丘聞佛所
說歡喜奉行

如是我聞一時佛住王舍城迦蘭陀竹園時
有衆多比丘集於食堂作如是論汝等宿命
作何等業爲何工巧以何自活尔時世尊於
禪定中以天耳聞諸比丘論說之聲即從座
起往詣食堂敷坐具於衆前坐問諸比丘汝

說何等時諸比丘以上所說具白世尊佛告
比丘汝等比丘莫作是說宿命所作所以者
何此非義饒益非法饒益非梵行饒益非智
非正覺不向涅槃汝等比丘當共論說此苦
聖諦苦集聖諦苦滅聖諦苦滅道跡聖諦所
以者何此義饒益法饒益梵行饒益正智正
覺正向涅槃是故比丘依於四聖諦未無間
等者當勤方便起增上欲學無間等佛說此
經已諸比丘聞佛所說歡喜奉行

如是我聞一時佛住王舍城迦蘭陀竹園時
有衆多比丘集於食堂作如是論說某甲檀
越作麁疎食我等食已無味無力我等不如

捨彼麁食而行乞食所以者何比丘乞食時
得好食又見好色時聞好聲多人所識亦得
衣被卧具醫藥尔時世尊於禪定中以天耳
聞諸比丘論說之聲即詣食堂如是廣說乃
至正向涅槃佛說此經已諸比丘聞佛所說
歡喜奉行

如是我聞一時佛住王舍城迦蘭陀竹園尔
時世尊告諸比丘汝等持我所說四聖諦不
時有異比丘從座起整衣服爲佛作禮合掌
白佛唯然世尊所說四聖諦我悉受持佛告
比丘汝云何受持四聖諦比丘白佛言世尊
說言此是苦聖諦我即受持此苦集聖諦此

苦滅聖諦此苦滅道跡聖諦如是世尊說四
聖諦我即受持佛告比丘善哉善哉我說苦
聖諦汝真實受持我說苦集聖諦苦滅聖諦
苦滅道跡聖諦汝真實受持佛說此經已諸
比丘聞佛所說歡喜奉行

如是我聞一時佛住王舍城迦蘭陀竹園
時世尊告諸比丘汝等持我所說四聖諦不
時有比丘從座起整衣服偏袒右肩爲佛作
禮合掌白佛唯然世尊所說四聖諦我悉受
持佛告比丘汝云何持我所說四聖諦比丘
白佛言世尊說苦聖諦我悉受持如如不離如
不異如真實審諦不顛倒是聖所諦是名苦

聖諦世尊說苦集聖諦苦滅聖諦苦滅道跡
聖諦如如不離如不異如真實審諦不顛倒
是聖所諦是爲世尊說四聖諦我悉受持
佛告比丘善哉善哉汝真實持我所說四聖
諦如如不離如不異如真實審諦不顛倒是
名比丘真實持我四聖諦佛說此經已諸比
丘聞佛所說歡喜奉行
如是我聞一時佛住王舍城迦蘭陀竹園介
時世尊告諸比丘汝持我所說四聖諦不時
有異比丘從座起整衣服爲佛作禮合掌白
佛言唯然世尊所說四聖諦我悉持之云何
四諦世尊說苦聖諦我悉持之苦集聖諦苦

滅聖諦苦滅道跡聖諦我悉持之佛告彼比丘善哉善哉如我所說四聖諦汝悉持之諸比丘若沙門婆羅門作如是說如沙門瞿曇所說苦聖諦我當捨更立苦聖諦者但有言數問已不知增其疑惑以非其境界故苦集聖諦苦滅聖諦苦滅道跡聖諦我今當捨更立餘四聖諦者彼但有言數問已不知增其疑惑以非其境界故是故比丘於四聖諦未無間等者當勤方便起增上欲學無間等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園

時世尊告諸比丘若比丘於佛有疑者則於

苦聖諦有疑苦集聖諦苦滅聖諦苦滅道跡
聖諦則有疑惑若於法僧有疑者則於苦聖
諦疑惑苦集聖諦苦滅聖諦苦滅道跡聖諦
疑惑若於佛不疑惑者則於苦聖諦不疑惑
苦集聖諦苦滅聖諦苦滅道跡聖諦不疑惑
若於法僧不疑惑者則於苦聖諦不疑惑苦
集聖諦苦滅聖諦苦滅道跡聖諦不疑惑佛
說此經已諸比丘聞佛所說歡喜奉行
如是我聞一時佛住王舍城迦蘭陀竹園介
時世尊告諸比丘若沙門婆羅門於苦聖諦
有疑者則於佛有疑於法僧有疑若於集滅
道疑者則於佛有疑於法僧有疑若於苦聖

諦無疑者則於佛無疑於法僧無疑於集滅
道聖諦無疑者則於佛無疑於法僧無疑佛
說此經已諸比丘聞佛所說歡喜奉行

一如是我聞一時佛住王舍城迦蘭陀竹園
時世尊告諸比丘汝等共行至深險巖諸比
丘白佛唯然世尊尔時世尊與諸大眾至深
險巖敷座而坐周而觀察深險巖已告諸比
丘此巖極大深險時有異比丘從座起整衣
服爲佛作禮合掌白佛言世尊此極深險然
復有一極深險極險於此甚可怖畏者不佛
知其意即告言如是比丘此極深險然復有
大深險險於此者甚可怖畏謂諸沙門婆羅

門於苦聖諦不如實知苦集聖諦苦滅聖諦
苦滅道跡聖諦不如實知彼於生本諸行樂
著於老病死憂悲惱苦生本諸行樂著而作
是行老病死憂悲惱苦行轉增長故墮於生
深險之處墮於老病死憂悲惱苦深險之處
如是比丘此則大深險險於此者是故比丘
於四聖諦未無間等者當勤方便起增上欲
學無間等佛說此經已諸比丘聞佛所說歡
喜奉行

如是我聞一時佛住王舍城迦蘭陀竹園
時世尊告諸比丘有大熱地獄若衆生生於
彼中一向與炯然時有異比丘從座起整衣

服爲佛作禮合掌白佛言如世尊說此則大
熱世尊唯此大熱復有大熱過於此者甚可
怖畏無有過上如是比丘此則大熱亦更有
大熱過於此者甚可怖畏無有過上何等爲
更有大熱甚可怖畏過於此者謂沙門婆羅
門此苦聖諦不如實知苦集聖諦苦滅聖諦
苦滅道跡聖諦不如實知如是乃至生老病
死憂悲惱苦大熱熾然名比丘大熱熾然
甚可怖畏無有過者是故比丘於四聖諦未
無間等者當勤方便起增上欲學無間等佛
說此經已諸比丘聞佛所說歡喜奉行
如是我聞一時佛住王舍城迦蘭陀竹園小

時世尊告諸比丘有大閻地獄彼諸衆生生
彼中者不見自身分時有異比丘從座起整
衣服爲佛作禮合掌白佛言世尊此則大閻
唯此大閻復更有餘大閻甚可怖畏過於此
不佛告比丘如是更有大閻甚可怖畏過於
此者謂沙門婆羅門於四聖諦不如實知乃
至墮於生老病死憂悲惱苦大閻之中是故
比丘於四聖諦未無間等者當勤方便起增
上欲學無間等佛說此經已諸比丘聞佛所
說歡喜奉行

如是我聞一時佛住王舍城迦蘭陀竹園
時世尊告諸比丘如日遊行照諸世界乃至

千日千月照千世界千須弥山千弗婆提千
閻浮提千拘耶厘千鬱單越千四天王千三
十三天千炎摩天千兜率天千化樂天千他
化自在天千梵天是名小千世界此千世界
中間閻冥日月光照有大德力而彼不見其有
衆生生彼中者不見自身分時有異比丘從
座起整衣服爲佛作禮合掌白佛言世尊如
世尊說是大閻冥復更有餘大閻冥處過於
此耶佛告比丘有大閻冥過於此者謂沙門
婆羅門於苦聖諦不如實知乃至墮於生老
病死憂悲惱苦大閻冥中是名比丘有大閻
冥過於世界中閻冥是故比丘於四聖諦

未無間等者當勤方便起增上欲學無間等
佛說此經已時諸比丘聞佛所說歡喜奉行
如是我聞一時佛住王舍城迦蘭陀竹園
時世尊告諸比丘從小千世界數滿至千是
名中千世界於是中千世界中間闍冥如前
所說乃至於四聖諦未無間等者當勤方便
起增上欲學無間等佛說此經已諸比丘聞
佛所說歡喜奉行

如是我聞一時佛住王舍城迦蘭陀竹園
時世尊告諸比丘從中千世界數滿至千是
名三千大千世界世界中間闍冥之處日月
遊行普照世界而彼不見乃至墮於生老病

死憂悲惱苦大闇冥中是故諸比丘於四聖
諦未無間等者當勤方便起增上欲學無間
等佛說此經已諸比丘聞佛所說歡喜奉行
如是我聞一時佛住王舍城迦蘭陀竹園
時世尊告諸比丘我今當說四聖諦諦聽諦
聽善思念之何等爲四謂苦聖諦苦集聖諦
苦滅聖諦苦滅道跡聖諦是名四聖諦佛說
此經已諸比丘聞佛所說歡喜奉行
如當說如是有如是當知亦如上說
如是我聞一時佛住王舍城迦蘭陀竹園
時世尊告諸比丘當勤禪思正方便起內寂
其心所以者何比丘禪思內寂其心成就已

如實顯現云何如實顯現謂此苦聖諦如實
顯現此苦集聖諦苦滅聖諦苦滅道跡聖諦
如實顯現佛說此經已諸比丘聞佛所說歡
喜奉行

如是我聞一時佛住王舍城迦蘭陀竹園
時世尊告諸比丘當修無量三摩提專心正

念所以者何修無量三摩提專心正念已如
是如實顯現云何如實顯現謂此苦聖諦如
實顯現苦集聖諦苦滅聖諦苦滅道跡聖諦
如實顯現佛說此經已諸比丘聞佛所說歡
喜奉行

如是我聞一時佛住王舍城迦蘭陀竹園

時佛告諸比丘如人擲杖於虛空中尋即還
墮或根著地或腹著地或頭著地如是沙門
婆羅門於此苦聖諦不如實知苦集聖諦苦
滅聖諦苦滅道跡聖諦不如實知當知是沙
門婆羅門或墮地獄或墮畜生或墮餓鬼是
故比丘於四聖諦未無間等者當勤方便學
無間等佛說此經已諸比丘間佛所說歡喜
奉行

如是我聞一時佛住王舍城迦蘭陀竹園
時世尊告諸比丘如人擲杖置虛空中其必
還墮或墮淨地或墮不淨地如是沙門婆羅
門於苦聖諦不如實知於苦集聖諦苦滅聖

諦苦滅道跡聖諦不如實知以不如實知故
或生善趣或生惡趣是故諸比丘於四聖諦
未無間等者當勤方便起增上欲學無間等
佛說此經已諸比丘聞佛所說歡喜奉行
如是我聞一時佛住王舍城迦蘭陀竹園
時佛告諸比丘譬如五節相續輪大力士夫
令速旋轉如是沙門婆羅門於此苦聖諦不
如實知此苦集聖諦苦滅聖諦苦滅道跡聖
諦不如實知輪迴五趣而速旋轉或墮地獄
或墮畜生或墮餓鬼或人或天還墮惡道長
夜輪轉是故比丘於四聖諦未無間等者當
勤方便起增上欲學無間等佛說此經已諸

比丘聞佛所說歡喜奉行

如是我聞一時佛住王舍城迦蘭陀竹園
時世尊告諸比丘如來應等正覺增上說法
謂四聖諦開示施設建立分別散說顯現表
露何等爲四謂苦聖諦苦集聖諦苦滅聖諦
苦滅道跡聖諦是故比丘於四聖諦未無間
等者當勤方便起增上欲學無間等佛說此
經已諸比丘聞佛所說歡喜奉行

如是我聞一時佛住王舍城迦蘭陀竹園
時世尊告諸比丘何等爲點慧爲此苦聖諦
如實知此苦集聖諦苦滅聖諦苦滅道跡聖
諦如實知爲不知耶諸比丘白佛如我解世

尊所說於四聖諦如實知者此爲黠慧佛告
比丘善哉善哉於苦聖諦苦集聖諦苦滅聖
諦苦滅道跡聖諦如實知者是則黠慧是故
諸比丘於四聖諦未無間等者當勤方便起
增上欲學無間等佛說是經已諸比丘聞佛
所說歡喜奉行

如是我聞一時佛住舍衛國祇樹給孤獨園
時須達長者往詣佛所稽首佛足於一面坐
白佛言世尊此四聖諦爲漸次無間等爲一
頓無間等佛告長者此四聖諦漸次無間非
頓無間等佛告長者若有說言於苦聖諦未
無間等而於彼苦集聖諦苦滅聖諦苦滅道

跡聖諦無間等者此說不應所以者何若於
苦聖諦未無間等而欲於苦集聖諦苦滅聖
諦苦滅道跡聖諦無間等者無有是處猶如
有人兩細樹葉連合爲器盛水持行無有是
處如是於苦聖諦未無間等而欲於苦集聖
諦苦滅聖諦苦滅道跡聖諦無間等者無有
是處譬如有人取蓮華葉連合爲器盛水遊
行斯有是處如是長者於苦聖諦無間等已
而欲於苦集聖諦苦滅聖諦苦滅道跡聖諦
無間等者斯有是處是故長者於四聖諦未
無間等者當勤方便起增上欲學無間等佛
說此經已諸比丘聞佛所說歡喜奉行

如須達長者所問有異比丘問亦如是說唯
譬有差別如有四橙階道昇於殿堂若有說
言不登初階而登第二第三橙第四昇堂殿
者無有是處所以者何要由初階然後次第
二第三第四階得昇殿堂如是比丘於苦聖
諦未無間等而欲於苦集聖諦苦滅聖諦苦
滅道跡聖諦無間等者無有是處譬如比丘
若有人言以四階道昇於殿堂要由初階然
後次登第二第三第四階得昇殿堂應作是
說所以者何要由初階然後次登第二第三
第四階昇於殿堂有是處故如是比丘若言
於苦聖諦無間等已然後次第於苦集聖諦

苦滅聖諦苦滅道跡聖諦無間等者應作是
說所以者何若於苦聖諦無間等已然後次
第於苦集聖諦苦滅聖諦苦滅道跡聖諦無
間等者有是處故佛說此經已諸比丘聞佛
所說歡喜奉行

如異比丘問阿難所問亦如是說唯譬差別
佛告阿難譬如四陞梯昇殿堂若有說言不
由初橙而登第二第三第四橙昇殿堂者無
有是處如是阿難若於苦聖諦未無間等而
欲苦集聖諦苦滅聖諦苦滅道跡聖諦無間
等者此不應說所以者何若於苦聖諦未無
間等而於苦集聖諦苦滅聖諦苦滅道跡聖

諦無間等者無有是處譬如阿難由四橙梯
昇於殿堂若有人言要由初橙然後次橙第
二第三第四橙昇殿堂者此所應說所以者
何要由初橙然後次橙第二第三第四橙昇
殿堂者有是處故如是阿難於苦聖諦無間
等已然後次第苦集聖諦苦滅聖諦苦滅道
跡聖諦無間等者斯有是處佛說是經已諸
比丘聞佛所說歡喜奉行

如是我聞一時佛住舍衛國祇樹給孤獨園
尔時世尊告諸比丘譬如大地草木悉取爲
鏘貫大海中一切水虫悉能貫不比丘白佛
不能世尊所以者何大海諸虫種種形類或

極細不可貫或極大不可貫佛告比丘如是如是衆生界無數無量是故比丘於四聖諦未無間等者當勤方便起增上欲學無間等佛說此經已諸比丘聞佛所說歡喜奉行如是我聞一時佛住王舍城迦蘭陀竹園介時世尊手執土石問諸比丘於意云何此手中土石爲多彼大雪山土石爲多比丘白佛言世尊手中土石甚少耳雪山土石甚多無量百千巨億筭數譬類不可爲比佛告比丘其諸衆生於苦聖諦如實知者苦集聖諦苦滅聖諦苦滅道跡聖諦如實知者如我手中所執土石其諸衆生於苦聖諦不如實知於苦

集聖諦苦滅聖諦苦滅道跡聖諦不如實知者如彼雪山土石其數無量是故比丘於四聖諦未無間等者當勤方便起增上欲學無間等佛說是經已諸比丘聞佛所說歡喜奉行

如是我聞一時佛住王舍城迦蘭陀竹園

園

時世尊告諸比丘譬如湖池深廣五十由旬其水盈滿若有士夫以髮以毛或以指端滴彼湖水乃至再三云何比丘如彼士夫所滴水多湖池水多比丘白佛如彼士夫毛髮指端再三滴水甚少耳彼湖大水其量無數乃至筭數譬類不可爲比佛告比丘如火湖

水甚多無量如是多聞聖弟子具足見諦得
聖道果斷諸苦本如截多羅樹頭於未來世
成不生法餘不盡者如彼士夫駿毛指端所
滴之水是故比丘於四聖諦未無間等者當
勤方便起增上欲學無間等佛說是經已諸
比丘聞佛所說歡喜奉行

如大湖水譬如薩羅多吒迦恒伽耶那
薩羅遊伊羅跋提摩醯及四大海其譬亦如
上說

如是我聞一時佛住舍衛國祇樹給孤獨園
尔時世尊手捉團土大如梨果告諸比丘云
何比丘我手中此團土爲多大雪山中土石

爲多諸比丘白佛言世尊手中團土少少耳
彼雪山王其土石甚多百千億那由他乃至
筭數譬類不得爲比佛告諸比丘如我所捉
團土如是衆生於苦聖諦如實知於苦集聖
諦苦滅聖諦苦滅道跡聖諦如實知者亦復
如是如大雪山王土石者如是衆生於苦聖
諦不如實知於苦集聖諦苦滅聖諦苦滅道
跡聖諦不如實知者亦復如是是故比丘於
四聖諦未無間等者當勤方便起增上欲學
無間等佛說是經已諸比丘聞佛所說歡喜
奉行

如雪山王如是居民陀羅山毗那多迦山馬

耳山善見山佉提羅迦山伊沙陁羅山由捷
陁羅山頽彌山王及大地土石亦復如是如
梨果如是阿摩勒迦果跋陁羅果迦羅迦果
豆果乃至蒜子譬亦復如是

如是我聞一時佛住舍衛國祇樹給孤獨園
尔時世尊以爪甲擎土已告諸比丘於意云
何我爪甲上土爲多此大地土多諸比丘白
佛言世尊甲上土甚少耳此大地土甚多無
量乃至筭數譬類不可爲比佛告比丘如甲
上土者若諸衆生形可見者亦復如是其形
微細不可見者如大地土是故比丘於四聖
諦未無間等者當勤方便學無間等佛說是

經已諸比丘聞佛所說歡喜奉行

如陸地如是水性亦尔

如甲上土如是衆生人道者亦復如是

如大地土如是非人亦尔

如甲上土如是生中國者亦尔如大地土如是生邊地者亦尔

如甲上土如是成就聖慧眼者亦是如大地土如是不成就聖慧眼者亦尔

如甲上土如是衆生知此法律者亦是如大地土如是衆生不知法律亦尔如知如是等知普知正想正覺正解法無間等亦如是如甲上土如是衆生知有父母亦尔如大地

土如是衆生不知有父母亦尔如甲上土如
是知有沙門婆羅門家之尊長作所應作作
福此世他世畏罪行施受齋持戒亦尔如大
地土不知有沙門婆羅門家之尊長作所應
作作福此世他世畏罪行施受齋持戒亦如
是說如甲上土如是衆生不殺不盜不邪淫

不妄語不兩舌不惡口不綺語亦尔如大地
土如是衆生不持諸戒者亦尔如是離貪恚
邪見及不離貪恚邪見亦是說

如甲上土如是不殺不盜不邪淫不妄語不
飲酒如大地土如是不持五戒者亦尔如甲
上土如是衆生持八戒者亦如是如大地土

如是衆生不持八戒者亦尔如甲上土如是
衆生持十善者亦如是如大地土如是衆生
不持十善者亦如是

如甲上土如是衆生從地獄命終生人中者
亦如是如大地土如是衆生從地獄命終還
生地獄者亦如是

如地獄如是畜生餓鬼亦尔

如甲上土如是衆生從地獄命終生天上者
亦如是

如大地土如是衆生從地獄命終還生地獄
者亦如是如地獄如是畜生餓鬼亦尔
如甲上土如是衆生人道中沒還生人道中

者亦如是

如大地上其諸衆生從人道中沒生地獄中者亦如是如地獄如是畜生餓鬼亦尔

如甲上土其諸衆生從天命終還生天上者亦如是

如大地土其諸衆生天上沒生地獄中者亦

如是如地獄畜生餓鬼亦如是

如是我聞一時佛住舍衛國祇樹給孤獨園

尔時世尊告諸比丘我本未聞法時得正思

惟此苦聖諦正見已生此苦集聖諦此苦滅

聖諦苦滅道跡聖諦正見已生佛說此經已

諸比丘聞佛所說歡喜奉行

如已生如是今生當生亦如是

如生如是起習近修多修觸作證亦如是

如是我聞一時佛住舍衛國祇樹給孤獨園

尔時世尊告諸比丘譬如眼藥丸深廣一由

旬若有士夫取此藥丸界界安置能速令盡

於彼界界不得其邊當知諸界其數無量是

故比丘當善界學善種種界當如是學佛說

此經已諸比丘聞佛所說歡喜奉行

如是我聞一時佛住舍衛國祇樹給孤獨園

尔時世尊告諸比丘衆生常與界俱與界和

合云何衆生常與界俱謂衆生行不善心時

與不善界俱善心時與善界俱勝心時與勝

界俱鄙心時與鄙界俱是故諸比丘當作是
學善種種界佛說是經已諸比丘聞佛所說
歡喜奉行

如是我聞一時佛住舍衛國祇樹給孤獨園
今時世尊告諸比丘廣說如上差別者即說
偈言

常會故常生
而入於巨海
當離於懈怠
安任於遠離
膠漆得其素
衆生與界俱

相離生則斷
人木則俱沒
卑劣之精進
懇勤精進禪
火得風熾然
相似共和合

如人執小木
懈怠俱亦然
賢聖不懈怠
超度生死流
珂乳則同色
增長亦復然

如是我聞一時佛住王舍城迦蘭陁竹園
時世尊告諸比丘衆生常與界俱與界和合
云何與界俱謂衆生不善心時與不善界俱
善心時與善界俱鄙心時與鄙界俱勝心時
與勝界俱時尊者憍陳如與衆多比丘於近
處經行一切皆是上座多聞大德出家已久
具修梵行復有尊者大迦葉與衆多比丘於
近處經行一切皆是少欲知足頭陁苦行不
畜遺餘尊者舍利弗與衆多比丘於近處經
行一切皆是大智辯才時尊者大目犍連與
衆多比丘於近處經行一切皆是神通大力
時阿那律陁與衆多比丘於近處經行一切

皆是天眼明徹時尊者二十億耳與衆多比丘於近處經行一切皆是勇猛精進專勤修行者時尊者陀驃與衆多比丘於近處經行一切皆是能爲大衆修供具者時尊者優波離與衆多比丘於近處經行一切皆是通達律行時尊者富樓那與衆多比丘於近處經行皆是辯才善說法者時尊者迦旃延與衆多比丘於近處經行一切皆能分別諸經善說法相時尊者阿難與衆多比丘於近處經行一切皆是多聞摠持時尊者羅睺羅與衆多比丘於近處經行一切皆是善持律行時提婆達多與衆多比丘於近處經行一切皆

是習衆惡行是名比丘常與衆俱與界和合
是故諸比丘當善分別種種諸界佛說是經
時諸比丘聞佛所說歡喜奉行

如是我聞一時佛住王舍城迦蘭陀竹園如
上廣說已即說偈言

常會故常生

相離生則斷

如人執小木

而入於巨海

人木則俱沒

懈怠俱亦然

當離於懈怠

卑劣之精進

賢聖不懈怠

安住於遠離

懇懃精進禪

超度生死流

膠漆得其素

火得風熾然

珂乳則同色

衆生與界俱

相似共和合

增長亦復然

如是我聞一時佛住舍衛國祇樹給孤獨園

尔時世尊告諸比丘衆生常與界俱與界和
合如是廣說乃至勝心生時與勝界俱鄙心
生時與鄙界俱殺生時與殺界俱盜婬妄語
飲酒心時與飲酒界俱不殺生時與不殺界
俱不盜不婬不妄語不飲酒與不飲酒界俱
是故諸比丘當善分別種種諸界佛說是經
已諸比丘聞佛所說歡喜奉行

如是我聞一時佛住舍衛國祇樹給孤獨園
尔時世尊告諸比丘衆生常與界俱與界和
合不信時與不信界俱犯戒時與犯戒界俱
無慚無愧時與無慚無愧界俱信心時與信
界俱持戒時與持戒界俱慚愧心時與慚愧

界俱是故諸比丘當善分別種種諸界佛說是經已諸比丘聞佛所說歡喜奉行

如信不信如是精進不精進失念不失念正受不正受多聞少聞慳者施者惡慧善慧難養易養難滿易滿多欲少欲知足不知足攝受不攝受界俱如上經如是廣說

如是我聞一時佛住舍衛國祇樹給孤獨園
爾時世尊告諸比丘我今當說種種諸界諦
聽善思當為汝說云何為種種界謂眼界色
界眼識界耳界聲界耳識界鼻界香界鼻識
界舌界味界舌識界身界觸界身識界意界
法界意識界是名種種界佛說是經已諸比

丘聞佛所說歡喜奉行

如是我聞一時佛住舍衛國祇樹給孤獨園
尔時世尊告諸比丘緣種種界生種種觸緣
種種觸生種種受緣種種受生種種愛云何
種種界謂十八界眼界色界眼識界乃至意
界法界意識界是名種種界云何緣種種界

生種種觸乃至云何緣種種受生種種愛謂
緣眼界生眼觸緣眼觸生眼觸生受緣眼觸
生受生眼觸生愛耳鼻舌身意界緣生意觸
緣意觸生意觸生受緣意觸生受生意觸生
受諸比丘非緣種種愛生種種受非緣種種
受生種種觸非緣種種觸生種種界要緣種

種界生種種觸緣種種觸生種種受緣種種
受生種種愛是名比丘緣種種界生種種觸
緣種種觸生種種受緣種種受生種種愛佛
說此經已諸比丘聞佛所說歡喜奉行

如是我聞一時佛住舍衛國祇樹給孤獨園
尔時世尊告諸比丘緣種種界生種種觸緣
種種觸生種種受緣種種受生種種愛云何
種種界謂十八界眼界色界眼識界乃至意
界法界意識界是名種種界云何緣種種界
生種種觸緣種種觸生種種受緣種種受生
種種愛謂緣眼界生眼觸非緣眼觸生眼界
但緣眼界生眼觸緣眼觸生眼受非緣眼受

生眼觸但緣眼觸生眼受緣眼受生眼愛非
緣眼愛生眼受但緣眼受生眼愛如是耳鼻
舌身意界緣生意觸非緣意觸生意界但緣
意界生意觸緣意觸生意受非緣意受生意
觸但緣意觸生意受緣意受生意愛非緣意
愛生意受但緣意受生意愛是故比丘非緣

種種愛生種種受非緣種種受生種種觸非
緣種種觸生種種界但緣種種界生種種觸
緣種種觸生種種受緣種種受生種種愛是
名比丘當善分別種種界佛說是經已諸比
丘聞佛所說歡喜奉行

如是我聞一時佛住舍衛國祇樹給孤獨園

尔時世尊告諸比丘緣種種界生種種觸緣
種種觸生種種受緣種種受生種種想緣種
種想生種種欲緣種種欲生種種覺緣種種
覺生種種熱緣種種熱生種種求云何種種
界謂十八眼界乃至法界云何緣種種界
生種種觸乃至緣種種熱生種種求謂緣眼
界生眼觸緣眼觸生眼受緣眼受生眼想緣
眼想生眼欲緣眼欲生眼覺緣眼覺生眼熱
緣眼熱生眼求如是耳鼻舌身意界緣生意
觸緣意觸生意受緣意受生意想緣意想生
意覺緣意覺生意熱緣意熱生意求是名比
丘緣種種界故生種種觸乃至緣種種熱生

種種求比丘非緣種種求生種種熱非緣種
 種熱生種種覺非緣種種覺生種種想非緣
 種種想生種種受非緣種種受生種種觸非
 緣種種觸生種種界但緣種種界生種種觸
 乃至緣種種熱生種種求佛說是經已諸比
 丘聞佛所說歡喜奉行

雜阿含經卷第十六

盛

漆	瀆	藕	雜
<small>交七</small>	<small>滿</small>	<small>五口</small>	
<small>二字音</small>	<small>作</small>	匿王	
珂	摩醯	<small>上屋</small>	
<small>反口</small>	<small>下呼</small>	橙	
何	蒜	<small>都定</small>	
驃	<small>音</small> 爪	梯	
<small>反必</small>	<small>甲</small>	<small>他</small>	
又	<small>上之</small>	鎗	
疋	鄙	<small>正作</small>	
<small>反</small>	<small>卑美</small>	槍	
	膠		

